



重濬孟瀆等三河全案卷二

江蘇布政使司梁爲札飭查勘事照得武進縣境轄孟瀆河道爲通江達海要道附近田疇悉資灌漑前於道光四年間據該縣以該河淤塞議請附入三江水利案內借

帑開挑等情稟奉

撫憲批司覈議當因是時擬辦三江水利需費較多若將孟瀆河一併

奏請借

帑挑濬經費實屬支絀卽經議請暫緩興辦嗣據該縣

直隸通志卷之三十一
職監巢遇良等呈請借

帑開挑奉

撫憲批司查議當經賀前司以各項工程停辦期內
詳覆俟興辦工程時再行勘估籌議挑辦飭遵在案
茲查各項工程停期已滿前項河道現在是否淤塞
究竟應否挑濬除委元和縣主簿周誥先行赴勘外
合就札飭札到該縣立即遵照親詣孟瀆河確切勘
明將應如何挑濬之處據實先行稟覆一面由縣繪
圖貼說妥議詳司察辦均毋遲延速速特札

道光九年十二月二十四日札

常州府武進縣知縣趙懷鶚陽湖縣知縣廖鴻苞謹
稟本月十八日奉
憲臺面諭以卑武邑境轄孟瀆河道前因淤塞議請
開挑飭令卑職等會同查勘稟覆等因正在訂期詣
勘間又奉

憲札飭以孟瀆河道爲通江達海要道附近田疇悉
資灌溉現在是否淤塞應否挑濬立即確切勘明繪
圖貼說據實稟覆等因並奉委員元和縣主簿周誥
到縣職等會同委員卽於二十五日前赴該處週歷
勘得孟瀆河南段自奔牛鎮萬緣橋進口起至小河

汛馬橋止計河長三十餘里河身全行淤塞馬橋以外至小河江口淤沙積有六七里道光四年原勘不在估挑之內馬橋以內石橋地方向有舊閘原議仍請修復以資啟閉又勘得北段自石橋迤西起穿孟河城南北兩關至塔山孟瀆河舊口止計河長三十餘里全段河身已成平陸孟瀆河舊口現已接漲沙洲圍築成田原勘在於北段九圩岸地方議買民田開挖引河一道由武丹界河以通丹邑包港江口引水內注職等復詣包港江口確切查勘江水來源尙旺江潮夾沙較輕由江口紆迴以達南北兩段停沙不致積厚原擬挑辦章程在於南北兩段工尾分設閘壩以禦濁潮旁濬引河以注清水洵屬禦濁畱清一勞永逸之計查孟瀆河道雖段分南北本屬一河南通運河北達大江自應一律通挑得沾該河水利者共有五鄉三十五圖并富東通三洲字號綿長七十餘里萬頃田疇資其灌溉數鄉居民賴其汲引實爲卑武邑西北隅水利之要津惟查原估開挑土方引河閘壩等項共銀九萬九千八百餘兩迄今事閱六年現在查勘淤墊情形較甚於前似應再爲確切勘估酌量加增查照原案借

帑辦理緣奉前因合將會勘緣由繪圖貼說稟呈

鈞鑒覈示祇遵

道光九年十二月二十九日稟

常州府武進縣知縣趙懷鏗陽湖縣知縣廖鴻苞爲
詳請檄飭遵照會勘事案於上年十二月二十五日
奉

憲札飭以孟瀆河道應否挑濬立即勘明據實稟覆
等因並奉委元和縣主簿周誥到縣職等會同委員
卽於上年十二月二十五日前赴該河週歷查勘淤
墊情形較甚於前似應再爲確切勘估酌量加增土
方俾使一律深通當經繪圖貼說通稟

憲鑒在案惟查孟瀆河道從前於道光四年據紳董
徐汝田等原議在於小河江口以內石橋地方修復

舊閘以資啟閉並於北段塔山舊口築設土隄以禦濁潮原勘在於北段通字九圩岸地方議買民田開挖引河一道由武丹洲田界河以通丹邑包港江口茲因事隔數載原呈類多仕遊外省間有病故之人惟據巢遇良一人赴縣面求增估土方仍照原議章程開挑此外從前與名原呈竟各畏難避不到案卑職等因思原議章程開挖引河通達包港江口其間界河係武丹分轄而包港河道又係坐落丹陽境內雖無煩丹民之力深恐將來辦理窒碍隨經卑職選傳公正誠實鄉董諭令會同從前原呈將該河自前

次勘估以後倍形淤塞之處何段應加挑深若干開具實在應挑段落寬深丈尺清冊并妥議挑辦章程呈候勘明議詳去後旋據舉人言啟方監生袁道興陳黼羅景蘇等赴卑武邑呈稱孟瀆河前明通運幾二百年至今仍歸濟運始則役兼兩省旣猶四府一州乾隆三十一年因水利普興祇派武陽兩縣重濬之例如此旋定善後事宜冊例註明五鄉三十九圖每遇歲修照田均派嗣後兩挑北段一挑南段雖有四圖避匿而分河段落尙依冊例施行歲修之例如此道光四年巢遇良等私代三十五圖呈請南北一

律通挑借

帑九萬九千餘兩在案竊前屆

帑銀止一萬八千兩尙未歸款儻加五倍何日能償且五鄉受役止屬歲修一律深通實需重濬驅一隅積逋之衆辦兩省協運之江以杙代楹勢將先折遇良更欲改口移河遶其店宅地形紆遠沙礫交侵財盡力窮總歸虛擲爲此繪圖附呈申明兩例儻或歲修工次舊例宜遵若依重濬章程數鄉詎給主歲修何敢復需借

帑主濟運實難專派數鄉等情又經卑職批著會同各

鄉圖耆董人等秉公悉心妥議挑辦章程並將小河孟河兩口能否挑挖復舊新開包港江口有無窒碍之處繪圖確切呈覆去後迄今並無定議揆厥所由緣該河南北兩段通河大開考之誌載初則役兼兩省繼係四府一州續又五縣協濟至乾隆三十一年因通省水利普興是以僅歸武陽兩邑協辦今屆應挑工程覈計土方本屬浩繁實與乾隆五十四年及嘉慶十一二十等年分段小挑之工大屬懸殊是以民情類多規避但此項河工不特有關農田水利實於漕運大有濟益洵爲

國計民生之要務淤塞已甚亟應挑濬而事關重大卑職等未敢草率從事自應妥議於前俾免貽誤於後除現嚴諭通河士耆原呈矜董人等會同妥議挑辦章程察覈覆估議詳外查包港江口職等於上冬會同委員查勘江水來源尙旺江潮夾沙較輕由江口紆迴以達南北兩段停沙不致積厚固屬一勞永逸之計但境屬丹陽地界恐將來或有窒碍應請札飭丹邑會同查勘並飭出示曉諭俾臻妥善除備文移知訂期會勘外合行具文詳明伏祈

憲臺電鑒迅賜札飭丹陽縣遵照會勘出示曉諭批

示祇遵實爲公便

道光十年又四月初五日詳

常州府武進縣知縣趙懷鶚陽湖縣知縣廖鴻苞爲
詳覆事竊照卑武邑境轄孟瀆河道前於道光四年
據紳董徐汝田等呈請一律通開修設閘隄以禦濁
潮原勘在於北段通字九圩岸地方議買民田開挖
引河一道由武丹洲田界河以通丹邑包港江口業
經具文通詳奉

憲批飭暫緩在案嗣於上冬奉飭勘覆當經職等會
同委員勘明繪圖稟覆批行覆估議詳等因卑職等
查得包港江口於上冬會同委員查勘江水來源尙
旺江湖夾沙較輕由江口紆迴以達南北兩段停沙

不致積厚固屬一勞永逸之計但境屬丹陽地界恐將來或有窒碍之處應行會同丹邑查勘俾臻妥善當經具文詳請

憲臺檄飭丹邑遵照會勘出示曉諭一面由職等備文訂期會勘在案茲於閏四月十五日職等會同丹邑藍令前赴包港正擬查勘間當據丹境九曲河士民顧遇昌等僉稱孟瀆一河若竟通連包港則伊處九曲河田疇無可蓄洩旱澇堪虞求請另議等情當據孟瀆河原呈回稱九曲河士民既稱不願開通包港江口孟瀆河塔山旁觀音山對峙向東有超瓢港

口坐落孟永州之下丹邑六沙界內一經穿圍開挖深通亦甚利便等情職等隨卽會赴孟永州傳同該洲圩頭業戶前詣超瓢港口察看江潮來源甚旺注水尙清一經開挖深通接連孟瀆河道實屬大有裨益訪察該地輿情均稱利便當卽督同孟河原呈稔董並孟永州圩頭業戶人等將應穿圩圍田畝逐細量丈覈計畝分議價置買并將應開引河估計寬深丈尺同孟瀆通河應估土方工料趕造細冊尅日另文詳送外正在將改口緣由具文詳覆間茲準丹邑移稱準貴二縣移開敵武邑境轄孟瀆河道前據士

民徐汝田巢遇良等呈請借

帑南北通開並於通字九圩岸地方議買民田開挖引河一道由武丹洲田界河以通包港江口業於道光四年汪前任勘明具詳現奉

各憲札飭勘估辦並經敝二縣詣勘稟覆在案查包港江口坐落貴縣境內且界河亦係武丹分轄現在估計加挑寬深擬議詳辦雖地界貴境自應會勘辦理除具詳

各憲外合行備文移請貴縣煩爲查照希卽出示曉諭訂期移示過縣以便會勘等因到縣準此敝縣準

卽於閏四月十五日束裝親詣包港正在會同履勘間接據九曲河文生顧遇昌武生孫日華文生吳啟音廩生吳會武生陸飛熊文生汪夢鼎文生宦澤豐文生孫鼎文生顧運標文生吳尹中耆民莊暢卮監生查恒等稟稱爲利害攸關迫叩恩主事竊陽邑九曲河西接運河北達大江其自顧港橋以下亦名包港中間迂折八十餘里江湖出入咸資灌瀉自前歲武邑開濬界港徑通九曲河一口陽邑已被旱澇之害茲奉武邑候行移仁憲會勘欲生穿通字九圩復引孟瀆河直通包港是以三河一口將孟河專其利

而九曲河受害無窮矣蓋九曲河地勢高河身狹且自西而東復自東而北形勢屈曲受水常緩孟河地勢低儻生穿通字九圩直達包港江湖可以直貫孟河何能屈曲而歸九曲不特此也霪雨驟發一河一口尙虞勢緩難瀉今與界港相連已受合流之漲儻孟河又合流包港則兩河之水漲於一口九曲河無從洩水矣陽邑數十萬田疇不成巨浸乎夫孟河自有舊制卽不然而改口超瓢港亦係甚便何必欲通包港而貽陽邑之患况九曲河秋夏則資灌田禾春冬則蓄水濟運使竟通武邑則水望低流有瀉無蓄

非但民生有害實爲國計攸關爲此公叩恩主併求通詳

上憲恩飭各河各口仍照舊制以杜患端等情據此敝縣業經據情通詳

各憲候示在案理合據情移明查照等因準此卑職等伏查汪前令原議開挑包港江口現在旣據丹邑九曲河士民不願開挑呈請另議卽據孟瀆河原呈衿董另擇超瓢港口開挖引河以通大江察看來源旣旺江水亦清似應俯順輿情改口辦理合將無庸開挑包港江口另開勘定超瓢港口緣由敘情具文

詳覆伏祈

憲臺俯賜鑒覈

道光十年五月初六日詳

署武進縣知縣趙懷鏗陽湖縣知縣廖鴻苞詳爲札
飭查勘事道光九年十二月二十五日奉

憲臺札開照得武進縣境轄孟瀆河道爲通江達海
要道附近田疇悉資灌溉前於道光四年間據該縣
以該河淤塞議請附入三江水利案內借

帑開挑等情稟奉

撫憲批司覈議當因是時擬辦三江水利需費較多
若將孟瀆河一併

奏請借

帑挑濬經費實屬支絀卽經議請暫緩興辦嗣據該縣

職監巢遇良等呈請借

帑開挑當經賀前司以各項工程停辦期內詳覆俟興辦工程時再行勘估籌議挑辦飭遵在案茲查各項工程停期已滿前項河道現在是否淤塞究竟應否挑濬除委元和縣主簿周誥先行赴勘外合行札飭札到該縣立即遵照親詣孟瀆河確切勘明將應如何挑濬之處據實先行稟覆一面由縣繪圖貼說妥議詳司察辦均毋遲延等因并蒙委元和縣主簿周誥到縣奉此卑職等遵卽會同委員前詣孟瀆南北兩段河道逐細確勘淤墊情形較甚於前應需量爲

加增估挑當經繪圖稟呈

憲鑒並附請酌量變通辦理在案嗣奉

憲臺札開奉

督憲批武進陽湖二縣稟覆會勘孟瀆河道應行挑濬情由奉批該縣孟瀆河道應否疏濬仰蘇州布政司確查稟覆覈奪至水利河道斷難量爲變通另籌工費先飭該縣等知照仍候

撫部院批示繳圖存等因到司奉此查此案前經本司飭委元和縣主簿周誥赴勘已據繪圖稟覆嗣奉撫憲批司委員勘估卽經札飭常州府覆勘估計詳

辦各在案查歷屆開挑是河均係借

帑開挑分年攤徵還款此次應行挑濬自應循案

奏請借

帑開挑斷難量爲變通另籌工費合就札飭札到該縣
卽便知照等因又奉

本府札開前因轉飭到縣奉此卷查孟瀆河道前於
道光四年據該河紳董徐汝田巢遇良等呈請南北
兩段一律通開並因小河江口及塔山舊口均有淤
沙橫亘深恐潮汐來速去遲易致淤墊議請將石橋
舊閘修復因時啟閉並於塔山舊口築設土隄以禦

濁潮另於北段九圩岸地方議買民田開挖引河通
接丹陽包港江口以注清水當經汪前令勘估繪圖
造冊詳請借

帑挑辦祇因各項工程停辦期內奉飭俟興辦工程時
再行勘估籌議挑辦飭遵在案茲奉批飭勘辦卑職
等因思此案係於道光四年勘詳迄今已隔六載所
有該河各段自前次勘估以後倍形淤塞必須確切
查勘酌量增挑俾使一律深通隨經飭傳從前原呈
確查該河何段應加挑深若干開具實在應挑段落
寬深丈尺清冊并妥議挑辦章程呈候勘明議詳去

重刊五河縣志卷二
後緣前案原呈類多仕遊外省暨已病故之人惟據
巢遇良一人赴縣面求增估土方仍請查照原議章
程開挑此外前案與名原呈均各畏難避不到案職
等深恐民情未洽又經選傳通河公正誠實鄉董諭
令會同前案原呈妥議間旋據舉人言啟方監生袁
道興陳黼羅景蘇等赴武邑呈稱孟瀆河前明通運
幾二百年至今仍歸濟運始則役兼兩省既猶四府
一州乾隆三十一年因水利普興祇派武陽兩縣重
濬之例如此旋定善後事宜冊例註明五鄉三十九
圖每遇歲修照田均派嗣後兩挑北段一挑南段雖

有四圖避匿而分河段落尙依冊例施行歲修之例
如此道光四年巢遇良等私代三十五圖呈請南北
一律通挑借

帑九萬九千餘兩在案竊前屆

帑銀止一萬八千兩尙未歸款儻加五倍何日能償且

五鄉受役止屬歲修一律深通實需重濬驅一隅積
逋之衆辦兩省協運之工以杙代楹勢將先折巢遇
良更欲改口移河遶其店宅地形紆遠沙礫交侵財
盡力窮總歸虛擲爲此繪圖附呈申明兩例儻或歲
修工次舊例宜遵若依重濬章程數鄉詎給主歲修

何敢復需重

帑主濟運實難專派數鄉等情卽經批飭會同各鄉圖
耆董人等秉公妥議並將小河孟河兩口能否挑挖
復舊新開包港江口有無窒碍之處繪圖確切呈覆
去後嗣奉

本府札開據該縣孝東孝西通江等鄉舉人言啟方
生員袁應聘等赴府呈稱孟瀆河道前屆歲修今次
重濬責一隅積逋之衆辦兩省協運之工以杙代楹
勢將先折况一新兩舊三口並開并計河身一萬四
千餘丈照田起夫額數尙虧財盡力窮恐難告竣

撫憲附片開載徒陽興挑官民商貨船隻均由孟瀆
通江出入爲京口徒陽河道之副此河關係洞徹根
由爲此繪圖環叩察覈歲修工次各修各段重濬章
程大役大工求恩格外設法變通等情到府除批上
屆擇淺挑河用費較省今全河淤塞估工自有不同
初無歲修濟運之別據供農民咸願速挑惟專派五
鄉攤徵民力未逮候飭武進陽湖二縣確估籌議覆
到稟懇

憲恩覈示圖附榜示外查孟瀆河業奉
藩憲暨本府親臨詣勘節飭會同陽湖縣確估議詳

未據詳到據呈前情合行抄詞札飭該縣立遵節今
憲札批詞來文會同陽湖縣速將該河確覈估計妥
爲籌議刻日詳府以憑覈轉詳辦等因札行到縣奉
經飭催會議呈覆去後據通江孝東等鄉生員袁應
聘謝明書惲淶毛仲揚錢護國監生楊嘉幹張書增
惲鍾沛馬省三陳玉田以遵批集議臚款環求恩鑒
事孟瀆一河居大江之下游爲運河之副道功濟漕
運利及農商昔雖疊濬未克深挑是以功難久遠道
光四年監生巢遇良等呈請詳明各憲勘估借
帑興挑復據舉人言啟方等念及該地衿耆偏災疊受

若以一隅積逋之衆辦兩省協運之河必至如杙代
楹是檢從前歲修重濬兩例稟案呈府蒙批前屆擇
淺開河用費較省今次全河淤塞估工自有不同初
無歲修濟運之別據供農民咸願速挑惟專派五鄉
攤徵民力不逮候飭武進陽湖兩縣確估籌議覆到
稟求憲恩覈示等因環讀之下仰見愛民如子生等
遵批會同籌議查孟瀆本爲前明通運之河今乃仍
歸濟運始則役兼兩省繼猶四府一州而乾隆三十
一年又有武陽重濬之案均有志卷可稽嗣因武陽
兩縣不復派開功鉅力微以致全河淤塞所有三十

五圖按田均派之說乃昔年籌議善後章程之議故
僅載於善後章程冊上茲蒙

各憲憫念民瘼親臨履勘洞悉河塞之由實因從前
簡易所致現邀加估土方志在一勞永逸南北兩段
深挑具見裕

國利民曷敢再滋煩瀆第因農等災荒之後杼軸已空
上屆嘉慶二十年開挑僅借

帑銀一萬八千兩距今十五年來只完半數現在功程
浩大費用益繁揆度情形實同蚊負生等凜遵憲諭
共相集議臚列條款呈求覈鑒外所有農遭久困民

力不逮苦情相應環叩俯鑒民瘼據情轉詳請示以

蘇民困以資調劑上呈等情并據粘呈集議章程內
開一孟瀆河舊有兩口一止小河口外馬橋一止孟

城北門外木行口各圖照田派段工宜止此此外新
漲田灘河身隨之而遠雖應一律並濬實難派及各
圖應否得利興挑抑或另為設法應請諭著各原呈

秉公籌議以示區別一孟城南門外南至萬稅灣凡
一千餘丈向係泛沙爛沙從前各圖分段如遇泛沙
爛沙之處艱於工力往往累至破家但知視為畏途
究亦莫能設法擬請標出一千餘丈之地按照土方

留

帑酌加津貼官募開挑儻他處遇有此等河段當卽稟明丈數以便尅期搶工庶可稍紓農困一原估工冊呈於道光四年現在河段淤泥又加增長應請按照土方加估再查河身綿遠上岸高下不等若不量爲平準必致畸重畸輕今擬河段除各圖定派之外儻遇岸高一丈以上及開深五尺以下以至逢村逢鎮逢城之處應請量加津貼以昭平允一石橋舊閘儻至竣工開壩之後另行修造費益浩繁應請一併估工先期購買石料以省公費一沿河一帶多種稻穀

自夏徂秋田功孔亟未能分任河務應請期於本年十月興工以資利便等情當查所議河段淤塞年久加深應按照量加估挑及岸高開深五尺以下以及逢村逢鎮酌加津貼並石橋舊閘一並估工並夏秋未能分任河務應於十月興工等條尙屬可行其所議小河口外馬橋以外及孟城北門外木行以下各河段另爲設法并萬稅灣據稱有一千餘丈泛沙各情應須再爲另議俾免臨時掣肘隨卽飭傳通河衿董及先後具呈有名名人等到案愷切面諭當據舉人言啟方監生袁道興蔣之鴻楊嘉幹薛步雲祀生謝

重刊五河縣志卷二
仲良生員惲淥民人謝鍾利蔣顯堯黃連玉李儒謙
蔣渭孝謝建成監生惲聖倫卽鍾沛馬裕海羅敖吉
卽景蘇民人丁大鎔惲維榮監生陳黼卽文起生員
袁應聘民人陳玉田監生沈用和沈鳴岡職員張書
增生員張傑監生沈應其姜西庚各具結內稱孟瀆
河段前已造冊呈明前憲伏查舊冊河段內有開挑
難易之處夫工應增應減看明秉公安辦至南段北
段無論田少工多田多工少俱屬合作通挑按田均
派起夫以免偏枯不致有誤其新漲沙灘河段據袁
應聘惲鍾沛等呈明此段不在三十五圖版圖糧田

之內懇求設法蒙批尙屬可行並請勘明設法籌辦
所具切結是實又據監生巢遇良生員陳金盤鄒林
趙英民人祝慶揚郭聰藝巢達經結同前由除將各
結附卷示期傳同通河原呈人等前詣該河覆加勘
估並備文詳請檄飭丹邑會勘包港江口在案茲卑
職等齎帶汪前令原估印冊會同前詣孟瀆南北兩
段河道逐細覆加量丈按段確切估計所有兩段河
身河底實與道光四年原估丈尺倍形淤墊應照現
勘情形量爲加估寬深俾得一律通暢並勘得孟河
城城河居民稠密商鋪雲集該處河身較窄兼之橋

開低矮卽照估開挑一切重載船隻深恐擁擠難於
暢達查該處城外舊有護城河一道週圍環遶其西
面久經湮廢而東面尙存河形一經開復重大商船
得以分道暢行大爲商民利便當據該處生員陳金
盤湯淵周兆先湯雲臺耆民王壽祿祝慶揚湯金魁
湯廣先地保湯洪芳呈請照舊開復議歸通江鄉十
都一圖十都三圖十都八圖三圖另舉一董領

帑雇夫挑辦似應俯如所請一體估挑以利民商再職
等會同丹邑藍令正擬查勘包港間卽據丹境九曲
河生員顧遇昌等僉稱孟瀆一河若竟通連包港則

伊處九曲河田疇無可蓄洩旱澇堪虞等情當據孟
瀆河原呈回稱九曲河土民旣稱不願開通包港江
口孟瀆河塔山旁觀音山對峙向東有超瓢港口坐
落孟永洲之下丹邑六沙界下一經穿圍開挖深通
亦甚利便等情職等隨卽會赴孟永洲傳同該洲圩
頭業戶前詣超瓢港口察看江潮來源甚旺注水尙
清一經開挖深通接連孟瀆河道實屬大有裨益訪
察該地輿情均稱利便當卽督同孟河原呈衿董並
孟永洲圩頭業戶人等將應穿圩圍田畝逐細量丈
覈計畝分面諭孟城衿董馬省三等議價置買另行

呈覆辦理外並將勘定改口緣由專案具詳在案通計查丈得孟河南北兩段及開挑超瓢港口并開孟河護城河道共河長一萬三千四百九十九丈八尺通共估計土方六十六萬八千九百六十四方二分八釐七毫五絲內附近村鎮河段岸灘民居稠密之處均多瓦礫計估瓦礫土三萬七千七百六十三方七分七釐計估淤土二十萬一千五百五十五方九分四毫七絲五忽乾土四十二萬九千六百四十四方六分一釐二毫七絲五忽查瓦礫土每方例價銀一錢五分共估例價銀五千六百六十四兩五錢六

分六釐淤土每方例價銀一錢三分六釐共估例價銀二萬七千四百一兩六錢三釐乾土每方例價銀八分共估例價銀三萬四千三百七十一兩五錢六分九釐三共估例價銀六萬七千四百四十七兩七錢三分八釐第查此係挑河例價現據該河原呈巢遇良等具呈孟瀆河自明迄今爲行運協運要渠從前歷屆開挑始兼兩省繼則四府一州康熙十九年請

帑疏濬分作十股宜金徒錫丹陽協助武進分工承辦乾隆三十一年因各縣水利並興無從兼派祇派武

陽兩邑各大憲奏請大挑計工給

帑量力募夫一切章程班班可考至三十五年因定善

後事宜嗣此五十四年及嘉慶十一二十等年兩修

北段一修南段皆因工力單微不逾時而旋修旋塞

迨至道光四年蒙前憲詳準一律深通去冬又蒙仁

憲親勘復估加增五鄉數十萬頃望利農田無不額

手相慶生等住近河干深知利病時殊今昔河益泥

淤民力比昔凋傷派役於今短少酌估土方較昔增

倍權衡物價計昔增三逢鎮逢城岸高一丈河底深

於五尺之外概應津貼以免偏枯河爲兩省翊運之

河役僅一隅積逋之役非求調劑於格外恐難完繳

於將來此皆實在情形難逃洞鑒前欲擬將丹邑包

港爲新口詎今九曲河一帶居民撓阻未就今另換

丹邑六沙超瓢港爲新口民皆樂從并將孟河城外

之東面護城河一體挑濬尤爲民商利便爲陳原委

求賜詳請計工給

帑以裕民生以資永利等情職等體察輿情若照例價

借給近年百物昂貴實屬不敷供用如逾格概行加

增恐與例案不符有干

部詰可否仰懇

憲恩量為分別難易酌加津貼俾小民不致過於賠累庶使踴躍從事工歸實濟查上屆淤乾二土係照時價牽算每方估銀一錢六分五釐現在其估淤乾二土六十三萬一千二百方五分一釐七毫五絲仍照上屆成例每方時價銀一錢六分五釐其估銀十萬四千一百四十八兩八分五釐惟所估淤乾土內除挑深五尺者毋庸加估其自挑深五尺以外至一丈一尺五寸者不無挑挖維艱兼之登岸較高出土為難似應量為酌加工價以示區別今覈計前項淤乾土內共有岸高深土二十四萬三千二百二十七

方二分五釐擬每方酌加工價銀二分五釐共計加估銀六千八十兩六錢八分一釐再瓦礫遠土應照淤乾二土加估津貼成例每銀一錢加銀七分之數覈計每方時價銀二錢五分五釐計估瓦礫土三萬七千七百六十三方七分七釐計估銀九千六百二十九兩七錢六分一釐三共時價銀十一萬九千八百五十八兩五錢二分七釐內除例價銀六萬七千四百四十七兩七錢三分八釐實需津貼不敷銀五萬二千四百十兩七錢八分九釐又椿壩共估例價銀一千五十七兩八錢二分一釐通共估計土方壩

工例價津貼料物銀十二萬九百十六兩三錢四分八釐再查孟河南段小河口外馬橋起至八十丈以外河段固在東字十六十八等號新漲蘆洲界內其孟城北門起至木行口之外一直至塔山舊口壩基止一帶河段雖兩岸係富通東三字號灘田但前朝久有之區並非新漲溯查歷屆開挑章程俱與漕田版圖田畝均勻分派承挑今屆通河大挑究應作何分段承挑不致貽誤之處又經飭著衿董原呈議覆去後隨據舉人言啟方監生袁道興陳黼馬裕海等呈覆協同附近小河口之東字號人等悉心籌畫已

議明白小河口外馬橋東北之漕田界起至沿江止河長七百五十丈悉係新漲沙灘就東字號另行舉董領

帑起夫等情並據東字十六等號監生馬裕等具結內稱生係東字十六等號內業戶遵諭妥議生願認辦開挑孟瀆小河口董事不致推諉誤公所具認結是實等情又據原呈監生巢遇良約生祁文耀生員巢汝棠耆民祝慶揚等呈覆自孟河北門外木行口起至觀音山北照原案詳定壩基止共河長一千八百二十八丈除富通東三號各業戶按畝驗派分段

承挑之外尙存河長一千餘丈生等原呈集議情願
領

帑僱夫承辦認結開挑以免推諉而全大公等情并據
結得言啟方議具條陳三十五圖版圖漕田開至孟
河北門外木行口止其餘坐落河段自木行口起至
觀音山北照原案詳定壩基止共河長一千八百二
十八丈除富通東三號各業戶按畝驗派分段承挑
之外餘存河長一千餘丈生等遵諭集議情願領

帑僱夫承辦開挑全公所具認辦結狀是實等情將各
結附卷再查改開超瓢港新口自孟河接口由孟永

洲黃貓圩一直開至丹邑六沙大圩外泥灘江口止
應挑工段土方作何雇夫開挑並置買民田究應若
干畝分所有房屋墳墓願否遷讓又經分別飭議傳
訊取結去後旋據孟永洲圩頭徐志純洲民戎兆卿
王本立湯舜章楊成裕楊繼盛耿遐林姚瑞彩赴案
具結內稱結得今奉另開孟河口由觀音山東北應
在身洲穿河直至丹邑六沙超瓢港以接清水今蒙
鈞諭身等遵照勘定洲段穿河情願協辦不致抗違
如有洲民阻撓身等卽行稟究所具遵結是實又據
稟呈段落清單內開自孟河之新河接口孟永洲黃

直隸通志卷之三
名二
貓圩至丹邑耳圩止共田一百六十四畝六分六釐
四毫又各圩內有墳塚三十三塚又自丹邑耳圩起
至江口止共田七十六畝九分九釐九毫隨據孟瀆
河原呈祝慶揚圩頭徐志賢洲民湯舜章戎兆卿耿
遐林王本立姚瑞彩楊繼盛楊汝玉認結內稱實結
得孟瀆河新口超瓢港孟永洲段落鄉董請領

帑銀轉給身等情願代爲雇夫開挑不致推諉誤公合
具認結是實又據孟瀆河原呈監生巢遇良等稟呈
認結內稱具認結孟瀆河原呈監生巢遇良同生員
巢汝棠武生惲文沛張文超實結得孟瀆河新口之

丹邑超瓢港段落生等情願領

帑雇夫開挑不致推諉誤公合具認結是實各等情據此除
將各認結附卷並飭該圩頭等查明各業戶分執田
畝細數諭令衿董馬省三等會同各業戶議明置買
田畝價值遷讓墳塚葬費另行造冊詳請憲示外職
等伏查孟瀆河爲常城通江尾閘南通運河北達大
江實爲引潮注運之要河一經開挖深通洵屬利濟
無窮旱則引江潮灌注運河上可免洩徒陽運河之
水下可直達宜荆錫金各邑運道以資接濟澇可由
孟德二河宣洩諸河之泛漲入江兼之商賈船排可

以由江進口直達蘇杭數鄉田疇藉資蓄洩是以考之誌載其利有三一曰濟漕運二曰通商賈三曰利田疇故前朝興挑初則役兼兩省次亦四府一州康熙十九年猶五縣協濟蓋因工程浩大利澤甚溥是以均沾該河水利各縣相爲協濟由來已久迨至乾隆三十一年因通省水利普興舉行前例未果是據武陽兩邑紳士呈請將孟德二河及南塘運河一並借

帑協力開挑銀歸兩邑攤徵還款旋奉議立歲修善後章程以切近得沾水利沿河之鄉圖按年擇淺歲修每逢五年以沾利稍差之支河各圖協濟沿河各圖大挑一次祇因民心不齊未能經久遵循迨至乾隆五十四年本據該河士民呈請給

帑挑辦因值開挑南運河道該河農民意存規避南河夫役是據該河士民具呈願照歲修章程業食佃力之例辦理至嘉慶十一年據印榮樹赴京呈控請挑奉

前大憲提省審斷著照乾隆五十四年辦過章程責成得沾水利各圖將孟河北段領
帑挑辦並於嘉慶二十年據孟河南段士耆呈請借

帑將孟河南段挑濬各在案今次估挑孟河若仍仿照
上屆挑工估計深恐濱江之河易於淤墊旋開旋塞
反致徒煩工費必須將通河淤墊一律開挖寬深庶
得一勞永逸至小河舊口察看尙可開復通潮所有
原議將石橋廢闢修復禦濁之處應請暫免置議如
將來必需修建以資啟閉再行察看情形專案辦理
其孟河北段塔山舊口以外河身近因接漲沙洲河
形紆曲兼之江口更有橫沙攔阻難期開復自應仍
照原議在於塔山舊口築設土隄以禦濁潮在於隄
內觀音山對峙改開新口由孟永洲圩田一直穿圍

開至丹邑六沙大圩外超瓢港口以接清水灌注孟
河惟工程浩大夫役殷煩借

帑旣多攤還非易今以通河應用之夫照康熙十九年
舊例派及五縣協挑恐今昔民情迥異必致紛擾推
諉若將借領之

帑照乾隆三十一年成案專責武陽二邑攤徵計數甚
鉅民力亦實有未逮再四籌議惟有量爲變通所有
孟河萬緣橋運河口起至小河外馬橋外漕田止又
孟河北段河口起至孟城北門外木行口止河段應
雇挑河人夫照舉人言啟方等集議結認歸於安西

安東孝西孝東通江等五鄉內三十五圖通力合作
按田雇夫均勻分段承挑其小河漕田界至江口止
應挑河段亦照集議結認歸於坐落該河兩岸之東
字十六十八等號洲灘董事馬裕等領

帑雇夫承挑至孟城北門外木行口起至塔山舊口土
隄止一帶河段亦照原呈巢遇良等集議結認除富
通東三號灘田按畝驗派領

帑雇夫分挑之外餘存河段責成具結之巢遇良等領
帑雇夫承挑再改開新口超瓢港應挑河段另行選舉
誠實鄉董領

帑督同結認之孟永洲圩頭業戶徐志賢等八人雇夫
承挑其丹邑六沙界內河段應如原呈巢遇良等集
議結認責成巢遇良等領

帑雇夫挑辦至借領例津二價

帑銀並德勝澡港等河借領銀兩可否彙案仿照康熙
十九年協濟成例歸於沾利稍差之常府各縣酌分
成數按田分攤歸款如此量爲變通雇夫則專責切
近得利之鄉圖獨任其勞而鄰邑農民得免舍已耘

國人之累還

帑則均派沾利稍差之各邑通攤歸款而分數較輕尙

屬衆擎易舉之事庶

國帑不致虛懸而勞逸兩無偏倚至攤徵年限應請彙案統分十年攤徵以抒民力是否有當除將會勘估定孟瀆河各段應挑土方分別造具實需土方壩座工料清冊繪圖加結具文詳請

本府覈議轉詳外相應照造清冊繪圖貼說加具印結備文詳送伏祈

憲臺鑒覈批示祇遵再六沙大圩外估挑灘地一百四十七丈現據巢遇良等查稟係業戶買業完辦草課之灘成田衝坍今據業戶張純洪等情願將灘開

挑河口外有接漲高阜之灘再行圍築等情卑職等查港口外草灘該業戶既願開作口門可否邀恩檄飭丹邑俟有原業接漲高阜之處察覈撥結以免賠課之處合並附請示遵

道光十年五月二十日詳

崇禎十年正月二十日

常州府知府陳肇謹稟武進縣德勝河據士民呈請
開挑飭據該縣詳奉查議嗣蒙
憲臺按臨親勘諭飭確切勘明繪圖籌議興辦卑府
遵卽會同署總捕通判姚倅并該縣趙署令前詣勘
得德勝河居武進西運河之北自連江橋進口起歷
呂墅橋三勝橋樹椿橋登瀛橋新橋郵村橋太平橋
周家木橋緣成橋許家橋馬家橋高墅橋魏村閘而
達江口計程四十餘里南通運河北通大江爲引潮
注運之要道兩岸田疇賴資灌溉而漕船來往之時
商賈行舟可從此出入以免京口擁擠祇以嘉慶十

常州府知府陳肇謹稟武進縣德勝河據士民呈請
開挑飭據該縣詳奉查議嗣蒙
憲臺按臨親勘諭飭確切勘明繪圖籌議興辦卑府
遵卽會同署總捕通判姚倅并該縣趙署令前詣勘
得德勝河居武進西運河之北自連江橋進口起歷
呂墅橋三勝橋樹椿橋登瀛橋新橋郵村橋太平橋
周家木橋緣成橋許家橋馬家橋高墅橋魏村閘而
達江口計程四十餘里南通運河北通大江爲引潮
注運之要道兩岸田疇賴資灌溉而漕船來往之時
商賈行舟可從此出入以免京口擁擠祇以嘉慶十

重刊孟賁等三河合案 卷二
年借

帑開濬以來閱今二十餘年潮去沙停日形淤墊當茲積雨旺潮之候太平橋至馬家橋一帶河水僅深尺許其餘亦不過二三尺一遇連晴水落其涸可立而待潮汐不通要河阻塞不特旱澇無備抑且濟運維艱自應趕緊疏濬惟工費頗繁若以業食佃力辦理民力實有未逮現在該縣孟賁河擬請借款興工攤徵歸補其德勝河似可仰懇

憲恩援照舊案一併詳請

奏辦以興水利而紓民力除督縣丈量估計議詳外合

先繪圖具稟伏祈

鈞鑒

道光 年 月 日具稟

武進縣知縣趙懷鏞陽湖縣知縣廖鴻苞爲指陳疏
濬利便等事案於道光十年正月二十三日奉本府
札開據卑武邑安東孝東依西鄉各圖生員鄒肇先
等赴府具呈德勝河疏通利便實非淺鮮叩賜據情
器具詳借

帑開挑等情詞到府除呈批示外合抄詞單札縣立速
親詣該河查勘實在淤淺情形應作何挑辦之處妥
速籌議繪圖具詳覈辦等因并蒙抄詞內開伏查常
州德勝河自魏村至連江橋綿亘四十餘里接引江
潮趨赴海門其勢較孟瀆河更爲迅疾歷來商販重

載以及竹木等排均由魏村進口直達蘇杭是以海關設有稅房至今未廢而千頃民田藉滋灌溉且孟瀆河引潮稍遠德勝河疏通則江潮灌注運河而漕艘無淤淺阻攔之患其利便實非淺鮮歷稽自宋紹興五年至嘉慶十一年九次開挑其發帑及派沾水利各州縣各圖舊章班班可考前明宣德年間曾通漕運邑乘可稽自十一年至今二十餘年未經疏濬德勝河淤淺處所江潮不能接濟運河水涸漕運艱遲有妨

國計德勝河既淺則支河無水可通每遇旱乾則河內之田毫無水利近年雨水不甚愆期且有此荒彼熟之異民田受患無窮其餘商賈舟航因淺阻繞道以致菽粟貨帛因之騰貴亦屬民間未便生等生長河干熟知利病爲敢繪圖貼說並抄錄縣誌一一指陳除分呈

各憲外叩賜據情具詳估工請

帑計日開挑以濟運漕以利民田等因又抄粘內開歷屆開挑德勝新河載在誌書宋紹興五年知常州府李嘉言濬烈塘河置牖明朝洪武三年知府孫用重建烈塘牖洪武二十四年知府孫用濬烈塘河深二

丈廣十二丈改名德勝新河宣德六年從武進縣民請濬德勝新河四十里八年工竣漕舟自德勝河入江正統七年巡撫周忱濬德勝河長七千二十丈廣十二丈深一丈六尺

國朝雍正五年奉

旨發帑銀二萬餘兩疏濬孟瀆河德勝新河又發

帑三百二十四兩零造犁船四隻并領混江龍四每歲春秋募水手於江口拖刷淤沙不致擁塞農民永賴焉乾隆九年濬德勝河自連江橋至魏村牯等情并據該原呈生員鄒肇先等以前情具稟到縣當經卑

職懷鍔諭令該原呈等將德勝河實在淤淺處所確切估計開具應挑段落寬深丈尺清摺呈候勘估詳辦查德勝河道坐落卑武境西運河之北離城十五里該河自連江橋進口起至魏村江口止計程四十五里南通運河北達大江兩岸田疇計十萬畝有奇藉資灌溉一切商賈竹木船排賴以經由兼之旱則引潮灌注澇可宣洩入江實爲卑境西北隅水利之要津溯查該河自乾隆三十一年由武陽兩邑紳士呈請與孟瀆河借

帑同時興挑後旋議善後章程以沿河得沾水利最近

之圖按年擇淺歲修每逢五年以支河得沾水利稍差各圖協濟沿河各圖通力合作挑撈一次祇因民心不齊未能經久遵循迨至乾隆五十四年據孟德兩河士民赴縣呈請願循善後章程以坐落德勝河之依西依東孝東孝西安東懷北等鄉內三十二圖坐落孟河北段通江鄉一十八圖以得沾水利之田畝照業食佃力之例按田出夫修濬一次至嘉慶十年印榮樹京控案內奉

前大憲

奏明借領

帑銀給發該河得沾水利各圖董事雇夫與孟瀆河北段同時開挑將銀攤徵歸款各在案該河自嘉慶十一年開挑以來迄今已越二十餘載遞年朝潮夕汐兼之河身紆曲江沙往來日形淤墊以致冬春之間江湖不能直達運河卑職懷鍔於因公赴鄉時目擊該河情形實在必需開挑惟工段綿長經費浩繁體察民情實形拮据若詳請發

帑則

國家經費有常如責令業食佃力承辦民力實有未逮當經具文通詳請示嗣奉本府批開據詳德勝河必需

挑濬緣由已悉仰候親詣查勘仍候
各憲批示錄報又奉本府札奉

藩憲批該縣通詳據監生鄒肇先等呈請興挑德勝
河道詣勘必需開濬緣由奉批該縣德勝河道是否
必需開挑如何籌辦仰常州府卽速親詣確勘繪圖
貼說妥議通詳察辦仍候

兩院憲暨糧巡道批示等因又奉本府札奉

憲臺批據該縣生監鄒肇先等呈稟德勝河自江口
魏村至連江橋商販重載以及竹木等排均由直達
蘇杭而千頃民田藉滋灌溉疏通利便實非淺鮮前

奉

撫憲經臨業蒙勘明河形環叩估工請

帑隨同孟瀆河開挑等情奉批德勝河是否必需開挑
業據縣詳批府確勘籌議在案仰常州府卽速遵照
前批勘議通詳察辦毋違抄粘繪圖並發等因到府
奉此查前據鄒肇先等赴府具稟請挑業經飭據該
縣通詳已奉

藩憲批飭勘議通詳在案茲奉前因合亟抄詞札縣
立遵先今

憲批來文速卽親詣該河逐細勘明造冊繪圖籌議

詳府覆勘詳辦等因又奉

督糧道陳批開既據通詳仰常州府飭候

督撫憲暨藩司巡道批示遵行錄報等因又奉

巡道批開仰常州府督飭該縣速將該河實在淤淺處所確切勘明應挑段落估計土方銀數取造冊圖通送查覈一面由府親詣復勘按照歷屆挑辦章程悉心妥議另稟察奪併候

兩院憲暨司道批示等因又奉本府札奉

藩臺札開奉

宮傳閣督部堂蔣批武進縣詳生員鄒肇先等呈請

興挑德勝河道情由奉批查淤墊之德勝河既關農田水利自應及時挑濬惟工費浩繁司庫無款可籌應如何辦理之處仰蘇州布政司查明妥議詳奪仍候

撫部院批示又奉

蘇撫部院陶批開仰蘇州布政司覈議詳覆察奪仍

候

閣督部堂批示各等因到府轉飭到縣又奉本府札

開奉

藩憲五百里札開案照武進縣境內德勝河道前據

該縣通詳淤墊必須開挑奉
督撫憲批司查議詳奪等因當經飭府勘議詳轉並
經本司親勘面諭籌辦去後迄今多日未據詳到殊
屬遲延合就專札飭催札府立即遵照先今來札親
詣該河確切勘明繪圖貼說將應行如何籌辦之處
刻日妥議詳辦一面飭縣確實估計土方銀數詳候
察轉等因到府奉此查前奉

各憲批飭勘造圖冊籌議詳辦節經轉飭詳送未到
茲奉前因除本府親詣查勘外合就轉飭等因并奉
本府督同卑職詣勘稟奉

各憲批飭確切勘估籌議詳辦卽經飭著該河請挑
原呈鄒肇先等先將應挑段落寬深丈尺及打築椿
壩開造土方工料清冊呈覈去後旋據生監鄒肇先
等以量力計工照章籌辦以收實效事赴卑武邑呈
稱常州德勝新河四十餘里北引江潮南趨運瀆農
田鱗接灌利民生商艘雲連輸充稅務一通一淤利
病非小生等縷陳歷屆章程求憲詳準悉心籌辦伏
查乾隆五十四年撈濬及嘉慶十一年借

帑歲修不旋踵而淤墊如故並非督率不嚴民夫不力
實緣本河斜長四十餘里計算沾利農田照例派夫

河長夫少限期既促民力益疲僅能塗飾一時而工
力終歸徒費必如乾隆三十一年大挑舊例量力募
夫均勞計工寬

帑裕食責成董事夫頭嚴行賞罰程限自然事半而功
倍堪收永逸於一勞上考康熙雍正乾隆三屆大挑
享利百有餘年卽其成效惟先時民裕費輕近則力
凋貨貴未免時殊今昔經費殷繁爲亟遵繕細冊瀝
求詳請給

帑大挑以沾水利等情計呈估冊到縣卑職等當覈造
呈段落寬深清冊統計河長七千三百四十四丈五
尺五寸均以河面挑寬五丈河底挑寬三丈挑深自
五尺至九尺五寸不等深恐估計稍涉浮糜當經按
鄉選舉誠實鄉董卑職等督同前詣該河眼同通河
士民確切查丈該河自運河起由連江橋進口直至
魏村閘外江口止通計河長七千三百四十四丈五
尺五寸共估段落四千六段隨又按段丈量相度河
形逐細樽節確估新口自五丈至四尺不等底口自
三丈至二丈不等河底實挑深自五尺至八尺不等
通共估計土方二十萬七千六百四十二方九分二
釐五毫內附近村鎮河段岸灘居民稠密之處均多

瓦礫計估瓦礫土一萬三千六百五十一方二分七釐餘照上屆成例計估淤土六萬六千七百二方四分九釐七毫五絲乾土十二萬七千二百八十九方一分五釐七毫五絲查瓦礫土每方例價銀一錢五分共估例價銀二千四十七兩六錢九分五毫淤土每方例價銀一錢三分六釐共估例價銀九千七十一兩五錢三分九釐六毫六絲乾土每方例價銀八分共估例價銀一萬一百八十三兩一錢三分二釐六毫三共估例價銀二萬一千三百二兩三錢六分三釐第查此係挑河例價現據各鄉董事李汝霖鄒

宮桂薛鳳書陳步雲鄭龍敘柴望豐等赴縣具呈今屆勘估土方所需

帑銀較之歷屆過倍具見工程浩大開挑非易况兼邇年薪米之價較前倍增今昔懸殊物力維艱務懇詳請

大憲施恩酌爲加估寬

帑裕民方能功歸實濟一勞永逸等情卑職等體察輿情若照例價借給近今百物昂貴實屬不敷供用如逾格概行加估恐與例案不符有干

部詰可否仰懇

憲恩量爲分別難易酌加津貼俾小民不致過於賠累庶使踴躍從事工歸實濟查上屆淤乾二土係照時價牽算每方估銀一錢六分五釐現在共估淤乾二土十九萬三千九百九十一方六分五釐五毫仍照上屆成例每方時價銀一錢六分五釐共估銀三萬二千零八兩六錢二分三釐惟所估淤乾土內除挑深五尺者毋庸加估其自挑深五尺以外至八尺者不無挑挖維艱兼之登岸較高出土爲難似應量爲酌加工價以示區別今覈計前項淤乾土內共有岸高深土三萬八千六百四方一分七釐五毫擬每

方酌加工價銀二分五釐共計加估銀九百六十五兩一錢四釐再瓦礫遠土應照淤乾二土加估津貼成例每銀一錢加銀七分之數覈計每方時價銀二錢五分五釐計估瓦礫土一萬三千六百五十一方二分五釐計估銀三千一百十六兩四分四釐三共時價銀三萬六千八十九兩七錢七分一釐內除例價銀二萬一千三百二兩三錢六分三釐實需津貼不敷銀一萬四千七百八十七兩四錢八釐又椿壩共估例價銀四百八十四兩六錢三分八釐通共估計土方壩工例價津貼料物銀三萬六千五百七十

四兩四錢九釐該卑職等伏查孟瀆德勝兩河爲常城通江尾閘南通運河北達大江實爲引潮注運之要河一經開通相爲表裏旱則引江潮灌注濟運上可免洩徒陽運河之水勢下可直達宜荆錫金各邑運道以資接濟滂可由此孟德二河宣洩諸河之汛漲入江兼之商賈船排可以由江直達而蘇杭客販得以源源接濟其兩岸田疇藉資蓄洩是以考之誌載其利有三一曰濟漕運二曰通商賈三曰利田疇故前朝興挑初則役兼兩省次亦四府一州康熙十九年猶五縣協濟蓋因工程旣大利澤甚溥是以均

沾該河水利各縣均相協濟由來已久迨至乾隆三十一年因通省水利普興舉行前例未果是據武陽兩邑紳士呈請將孟德二河及南運河道一並借

帑協力開挑銀歸兩邑攤徵還款迨開挑後旋奉議立歲修善後章程以切近得沾水利沿河之鄉圖按年擇淺歲修每逢五年以沾利稍差之支河各圖協濟沿河各圖大挑一次祇因民心不齊未能經久遵循迨至乾隆五十四年本據該河士民呈請給

帑挑辦因值開挑南運河道該河農民意存規避南河夫役是據德勝河并孟河北段士民具呈願照歲修

章程業食佃力之例辦理至嘉慶十一年據印榮樹赴京呈控請挑奉

前大憲提省審斷著照乾隆五十四年辦過章程責成得沾水利各圖將孟河北段及德勝河舉董領借帑銀挑辦並於嘉慶二十年據孟河南段士耆呈請借帑將孟河南段挑濬各在案今次估挑孟德兩河若仍仿照上屆挑工估計深恐濱江之河易於淤墊旋開旋塞反致徒勞工費必須將通河淤墊開挖一律寬深庶得工歸實濟一勞永逸惟工程浩大夫役殷煩借

帑既多攤還非易今以兩河應用之夫照康熙十九年舊例派及五縣協挑恐今昔民情迥異必致紛擾推諉若將兩河借領之

帑照乾隆三十一年成案專責武陽二邑攤徵計數甚鉅民力亦實有未逮再四籌議惟有量爲變通所有應雇挑河人夫仍照歲修章程德勝一河著令切近得沾水利之懷北安東孝西孝東依東依西等六鄉內三十二圖舉董領

帑按田雇夫均勻分段承挑其孟瀆一河著令該河切近得沾水利之安西安東孝西孝東通江五鄉內三

十五圖及富通東三字號一體舉董按田雇夫領
帑分段承挑至借領

帑銀仿照從前協濟成例歸於沾利稍差之常府各縣
按田分攤徵還如此量爲變通雇夫則專令切近得
利之鄉圖獨任其勞而鄰邑農民得免舍己耘人之
累還

帑則均派沾利稍差之各邑通攤歸款而銀數較輕尙
屬衆擎易舉之事庶

國帑不致虛懸而勞逸兩無偏倚至攤徵年限應請查
照上屆借

帑議攤年限分作六年按數徵解歸款是否有當除將
會勘估定德勝河應挑段落分別造具實需土方壩
座工料估冊先行敘情具文詳請本府覈議轉詳外
相應照造清冊具文詳送伏祈

憲臺鑒覈批示祇遵

道光 年 月 日詳

武進縣知縣趙懷鶚陽湖縣知縣廖鴻苞爲環求鴻恩飭勘與挑事奉本府札開據該縣職員萬鈺監生張克俊民人吳國成楊近山孫洪謨戴度書沈紹南常天錫包慎非于阿虎高玉山等赴府具稟澡港河綿亘三十五里惟賴江潮灌溉循理德澤依東三鄉二二十六圖十餘萬田禾自乾隆四年三十一等年請帑開濬後奉詳定章程勒石碑案可稽緣江潮擁沙而進停沙而出日漲日增最易淤塞雖撈濬多次終不勝漲沙之多近又江口新漲隆興沙洲田以致河道益塞現在河無滴水求勘立明圖農彙集公議若不

開挑旱澇堪憂課命兩妨惟工程浩大民力難支應
求請

帑稍紓民力環求垂鑒農田水利飭縣親勘議詳援例
請

帑興挑等情據此除批孟瀆德勝二河現議興挑所呈
澡港河恐難同時並舉候飭武進縣查議詳奪等因
榜示外合行劄飭該縣即便遵照確切查勘該河應
如何挑辦之處刻日妥議具詳察奪等因又奉本府
札開奉
藩憲札奉

撫憲批武進縣生監張克俊等呈武邑西北高鄉惟
賴澡港一河通達江湖灌溉十餘萬畝田疇其河自
乾隆四年三十一年請

帑開挑以來地民捐濬奈河長三十五里工程浩大民
力難支不過敷衍撈濬雖河底稍通暫救一時而泥
堆兩旁仍卸入河益形淤塞自上年八月以至今春
河無滴水卽今大雨水漲尙有二十餘里無水之河
水利大妨民困已極欣荷

皇仁憲德念切水利爲農務之要發

帑興挑孟勝二河此浩蕩

鴻恩千古希逢之會爰念澡港與孟瀆情同一體而借帑興挑民力得舒且鄭重其事民情踴躍不似民捐之塞責了事河得深通庶可一勞永逸十餘萬畝之田禾有救蒙府籌慮河夫恐難三河並舉惟各地雇夫入夫儘有且三十一年亦三河同舉恭維大憲爲

國爲民儻邀

恩澤斯河與德政並垂不朽矣念水利關係民命恩準借帑等情詞奉批疏濬水利原屬地方要舉然須有款可籌方能興辦不得不酌分緩急常州府屬之孟瀆德

勝兩河現因經費難敷尙待籌措據該民等又以挑濬澡港爲請是否力能並舉仰江蘇布政司議詳察奪等因到司奉此查該屬之孟瀆德勝兩河現未估有確數此外尙有歷經奏準應挑之劉河各工經費浩繁正難籌措今澡港一河據稱自乾隆三十一年請

帑開挑以來地民捐濬等情是該河六十餘年之中均由民濬今因孟德兩河有借

帑興挑之議遠請一體辦理雖地方水利均關緊要但國家經費有常必須通盤籌計究竟該河是否亟應挑

濬需費若干應否借款抑應仍歸民辦合亟札府立
卽遵照親詣該河查勘明確刻日妥議繪圖詳覆並
查明乾隆三十一年開挑原案錄送以憑察辦等因
到府奉查澡港河道前據該縣萬鈺等赴府呈請挑
濬卽飭查議未據詳到茲奉前因合亟轉飭札到該
縣立卽遵照先今來札親詣該河查勘明確刻日妥
議繪圖詳府以憑察覈勘轉詳辦並查明乾隆三十
一年開挑原案先行備錄馳送

藩憲並將錄送日期報府查覈等因到縣奉此卑職
等遵查澡港河道坐落卑武邑北塘運河誌稱綱頭
河之旁其河自綱頭河進口向北繞西轉折東北而
達大江通河計有五十餘里惟南首進口至燕子河
止計程十五里有奇河身寬暢無庸挑濬其自燕子
河口起至江口止計程三十五里有餘河身迂曲口
漲新沙江潮灌注易于淤墊以致兩岸田疇不能藉
資蓄洩乾隆三十一年奉

大憲通查鎮常水利案內曾據該河士民宋景恂等
呈請領

帑開濬當經楊前令批以大工未能一時並舉應俟孟
瀆等河告成後次第興舉等情在卷卽據該士民赴

府具呈批飭親往勘覆等因正在傳勘間隨據該河
士民劉書仁萬邦緒等以叩恩卹免以廣

皇仁以紓民力事赴前縣呈稱切燥港一河與孟瀆德勝
並爲濱江幹河孟瀆德勝現在詳請借

帑開濬身等呈蒙府批孟瀆德勝兩河疏通爲急燥港
次之大工斷難同時並舉如急欲開挑儘可循照業
食佃力舊例自行辦理等諭身等因銜籲恩委員督
濬等事呈府沐批送案查議詳覆伏查前陞趙憲詳
奉

各憲批示勒石除運河外其餘他河仍免身等鄉圖
募夫在案募碑現蒙同詞並發求覈身等二十六圖
萬頃田畝咸資江水灌溉奈燥港淤塞已久本年秋
收歉薄若不乘此農隙之時趕緊開濬來年田疇無
水阜灌課命兩關身等情願自出工力挑濬叩查詳
案募碑免身等募夫協濟孟瀆德勝出自憲仁其兩
河領借

帑項合縣分年償給身等各圖既不領

帑開挖業食佃力費用浩繁如再分償孟瀆德勝

帑項未免苦樂不均力難襄舉並求

憲議豁免分償則民力得紓並戴

皇仁憲德於靡涯矣上呈等情並奉前府批發劉書仁等呈詞內稱澡港一河與孟瀆德勝並爲武邑濱江幹河孟瀆德勝兩河詳蒙借

帑開濬身等因銜幹河水利攸關等事呈案鈞批通江尾閘以疏通孟瀆德勝兩河爲急澡港次之况大工應分次第斷難同時並舉縣批甚明爾等如急欲開挑儘可循照業食佃力之舊例自行辦理等諭身等敢不凜遵但澡港淤塞已久潮水不能灌溉本年雨澤愆期秋收歉薄若次第舉行身等萬頃田疇糧命兩關急何能待乘此農隙之時情願循照舊例業食

佃力自行挑濬深通仰副

聖天子軫卹水利農田至意叩賜委員督理庶得刻期告竣再前陞縣趙詳奉

各憲批示勒石除運河外其餘他河仍免身等鄉圖募夫等因募碑粘據現在孟瀆德勝借

帑興修身等澡港旣難同時並舉伏叩

大憲電念並屬幹河身等二十六圖自出工力空濬費用浩繁恩免募夫協濟其孟瀆德勝領借

帑項合縣分年償繳身等各圖力難再任并求飭議卹免分償共戴洪仁等情蒙批仰武進縣查議覆奪與

圖碑摹並發等因奉經卑前武邑楊令移委縣丞前往勘丈開造應挑段落估計土方夫工壩座料物例價銀四千九百七十二兩六錢二分零清冊送縣隨經楊前令查得從前詳奉

撫藩各憲飭立章程碑摹定例除運糧河應行闔邑各鄉圖承辦外其餘他河免其澡港二十六圖協濟在案茲據士民劉書仁等呈請循照業食佃力之例開挑澡港幹河則孟德兩河分償借

帑及募夫協濟之處應否俯如所請免派之處具文詳奉前府潘批開據詳澡港河係通江尾閭河流淺塞應挑委縣丞查勘估需土方工料銀四千餘兩等語其協濟孟德二河分償借

帑及募夫之處如詳照例免派仍卽委員將該河應濬之處督令各圖董事循照業食佃力之例作速築壩如式開挑務期一律深通以利農田毋得潦草虛應故事工竣報候親臨驗勘儻驗不合式或測量仍前淺阻定將該委員嚴參責令董事重挑不貸此繳等因奉經楊前令移委縣丞駐工督同原呈董事開濬在卷茲奉札飭前因當經卑職懷鍔轉飭該原呈張克俊等會同通河衿耆確查澡港河道究竟是否亟

應挑濬覈計土方壩座需費若干能否仍照業食佃
力之例辦理抑應借款興挑速行妥議挑辦章程開
具承挑鄉圖覆候察覈勘詳去後旋據監生張克俊
職員萬鈺等以遵諭集議求勘估詳利濟民生事赴
縣呈稱澡港河跨落德澤循理依東三鄉計二十六
圖綿亘三十五里通引江潮十餘萬田禾賴資灌溉
自乾隆三十一年與孟瀆德勝等河同時請

帑開挑以來迄今六十餘載地民間或小撈不過暫通
一時無如江潮擁沙旋仍淤塞以致旱潦莫禦歷受
饑荒更兼江口新漲隆興沙潮難進口上秋至冬河

無滴水今春雖逢大雨尙有二十餘里無水之河水
利大妨民困已極亟應挑濬農民望切刻難再緩此
現實在情形憲勘立明生等遵經會同地保各圖大
戶再四籌議工程浩大民力拮据非業食佃力之所
能若一從簡徒然無益必須借

帑大挑方得深通久遠伏念水利農田之要務攸關
國課民生向來澡港孟瀆德勝三河並濬歷有舊章今
孟瀆德勝兩河俱蒙詣勘估詳而澡港事同一體是
以生等呈請並濬荷邀府憲札飭查勘議詳所有挑
辦章程及呈開圖分另單開呈合將集議緣由先行

直隸通志卷之二
據實覆叩電鑒輿情一視同仁速賜詣勘估計與挑利濟民生等情並據粘呈挑辦章程及承挑圖分清單到縣據此伏查孟瀆德勝兩河乾隆三十一年借帑開挑係詳明歸於卑武陽二邑借領

帑銀承挑按田分年攤徵還款其澡港一河實亦通江正幹前據該士民急欲開挑呈明願照業食佃力之例自行出資開挑免其募夫協濟并扣免分償孟德二河借

帑在案越今六十餘載雖經兩岸農田數次修濬究屬工鉅力薄未能一律通暢且孟德二河已於嘉慶十

一十九年借

帑挑濬今復奉

大憲念切民瘼準其借

帑通挑茲澡港一河亦屬通江尾閘兩岸八萬餘畝田疇賴資灌溉兼之口外近年漲有隆興沙灘雖間隔水泓而朝潮汐汐究易淤滯以致河底高仰難資蓄洩實屬旱澇堪虞儻責令仍照業食佃力之例自行疏濬深恐敷衍一時斷難經久似應仰乞

憲恩準予一體借領

帑銀與孟德二河並濬以免向隅隨經飭據該原呈查

送應挑段落寬深丈尺清冊前來卑職等督同親詣
 該河按段逐細勘丈自燕子河工首起至江口止通
 計河長五千四百四十八丈四尺共估挑段落二十
 八段隨又按段丈量測探水勢逐細確切估計共估
 計土方七萬六千五百四十一方九釐五毫內附近
 村鎮河段岸灘居民稠密之處均多瓦礫計估瓦礫
 土三千四百九十六方五分餘照孟德二河估計成
 例計估淤土二萬二千三百七十五方三分七釐八
 毫五絲乾土五萬六百六十九方二分一釐六毫五
 絲查瓦礫土每方例價銀一錢五分共估例價銀五

百二十四兩四錢七分五釐淤土每方例價銀一錢
 三分六釐共估例價銀三千四十三兩五分一釐四
 毫七絲六忽乾土每方例價銀八分共估例價銀四
 千五十三兩五錢三分七釐三毫二絲三共估例價
 銀七千六百二十一兩六分四釐第查此係挑河例
 價現在百物昂貴民力維艱卑職等體察輿情實屬
 不敷供用如逾格概行加倍恐與例案不符有干
 部詰可否仰懇

憲恩量為分別難易酌加津貼俾小民不致過於賠
 累庶使踴躍從事工歸實濟查淤乾二土上屆孟德

二河係照時價牽算每方估銀一錢六分五釐今澡
港一河現在其估淤乾二土七萬三千四十四方五
分九釐五毫仍照前屆成案每方牽計時價銀一錢
六分五釐共估銀一萬二千五十二兩三錢五分八
釐惟所估淤乾土內除挑深五尺者毋庸加估其自
挑深至五尺以外至七尺者不無挑挖維艱兼之登
岸較高出土為難似應量為酌加工價以紓民力今
覈計前項工段土內共有岸高深土一萬一千二百
五十五方四分七釐五毫擬每方酌加工價銀二分
五釐共計加估銀二百八十一兩三錢八分六釐八

毫七絲五忽再瓦礫土應照淤乾二土加增津貼成
例每銀一錢加銀七分之數覈計每方時價銀二錢
五分五釐計估瓦礫土三千四百九十六方五分計
估銀八百九十一兩六錢八釐三共時價銀一萬三
千二百二十五兩三錢五分二釐內除例價銀七千
六百二十一兩六分四釐實需津貼不敷銀五千六
百四兩二錢八分八釐又椿壩共估例價銀一百五
十八兩五錢七分五釐通共估計土方壩座料物例
價津貼銀一萬三千三百八十三兩九錢二分七釐
該卑職等伏查澡港一河為常郡通江尾閘南通城

河北達大江一經開濬與孟德二河呼吸相連旱可引潮灌注接濟運河澇可由此河宣洩東北隅渚水入江兼之兩岸田疇賴資灌溉而商賈船排可以由江直達常郡運河得免擁擠之虞非僅一隅之利便今次估挑若仍照自濬工程估計深恐濱江之河易于淤墊旋開旋塞反致徒勞工費必須將通河淤墊一律開挖寬深庶得工歸實濟一勞永逸惟工程浩大夫役殷繁借

帑既多攤還非易今以應用人夫及借領

帑銀專責該河附近鄉圖按田派夫攤銀民力實有未

逮似應量爲變通所有應雇挑河人夫仍照自濬章程歸於該河切近得沾水利之德澤循理依東三鄉內二十六圖一體舉董領

帑雇夫承挑至各圖應分段落應如該原呈等妥議除利大河口起至大墩橋北止河長二百丈歸循理鄉內三十四都二圖四圖三十五都一圖二圖承挑其餘工首起至馬橋以外四十五丈止河段統歸德澤循理依東三鄉內二十二圖按田均勻派挑此外新漲河長一百四十丈歸於通河原呈領

帑另行雇夫開挑至借領

帑銀彙數併入孟德二河案內歸於沾利稍差之常府
各縣酌分成數彙案統分十年攤還如此變通辦理
雇夫既免旁累而

國帑不致久懸勞逸兩無偏倚矣是否有當除將會勘
估定澡港河應分段落分別造具實需土方壩座工
料估冊繪圖貼說加結具文詳請本府覈議轉詳外
相應照造清冊繪圖具結備文詳送伏祈

憲臺鑒覈批示祇遵

道光 年 月

日具詳

武進縣知縣趙懷鏗陽湖縣知縣廖鴻苞爲詳覆事
道光十年六月初一日奉

憲臺札開道光十年五月二十三日奉

布政司梁批該二縣會詳孟瀆河另議改定超瓢港
口開挖引河緣由奉批查此案前據丹陽縣詳奉
撫憲批飭從長計議另行察勘辦理等因卽經札飭
遵照勘詳在案據詳前情仰常州府速飭該縣確切
勘明從長計議繪圖通詳察辦並將孟瀆河道趕緊
確勘估計造冊查照歷屆借

帑開挑章程并將如何攤徵歸款之處一併由府妥議

詳候察辦均毋遲延仍候

撫憲暨巡道批示繳等因到府奉此查孟瀆河估計土方工料銀數冊結現據該二縣會銜詳送其開挖超瓢港引口應穿沙洲圩圍作何置買節經飭造戶名畝數清冊呈送未據一並送到奉批前因合就轉飭札到該縣立遵節次批飭迅將超瓢港開挖引河應穿沙洲作何置買造具戶名畝數清冊繪圖妥議送候覈辦毋遲等因又奉

憲臺札奉

布政司梁憲札飭查卑二縣會稟挑濬孟瀆等河酌

擬各款事宜稟祈示遵等情案內奉查改開新口開動民田二百四十餘畝自應給價豁賦其墳墓三十餘塚是否實係有礙必須飭令遷讓抑可順勢開挑毋庸遷動以示體卹之處應由該府覆勘覈實詳辦等因轉飭下縣奉此遵查孟瀆河道因孟河舊口接漲沙洲河形紆曲兼之江口更有橫沙攔阻難於開復汪前令任內原議在於通字九圩岸地方置買民田開挖引河以通丹邑包港江口嗣因丹邑九曲河士民因旱澇堪虞不願開作引河隨經卑職等督同原呈查勘孟瀆河塔山之旁觀音山對峙向東有超

瓢港口坐落孟永洲之下丹邑六沙界內一經穿圍開挖深通來源甚旺注水亦清當將勘明另開超瓢港口無庸開挖包港江口各緣由專案具詳並於詳送勘估土方銀數文冊內聲明飭令該圩頭等查明各業戶分執田畝細數諭令稔董會同各業議明置買田畝價值遷塚葬費另行造冊詳請

憲示在案茲據孟濱河原呈祝慶揚巢遇良孟永洲圩頭徐志純洲民湯舜章將孟永洲各圩應開田畝各業名下分執田數及結認願遷各墳塚開冊呈縣又據原呈張文超同六沙業戶張純愷惲維榮地保

王本盛將六沙各業名下分執田數造冊稟呈前來並據原呈祝慶揚張文超惲維榮圩頭徐舜以集議仿照給價等事赴縣呈稱身等係超瓢港原呈遵奉鈞諭會集洲民和衷妥議仿照道光七年江都甘泉二邑開挑瓦窰鋪新河挖廢民田每畝給價銀十兩草房每間給銀二兩詳定章程之例辦理茲查超瓢港口應需挖廢民田二百四十一畝零每畝給銀十兩共計銀二千四百十餘兩草房一間應給遷移銀二兩至應遷墳三十一塚每塚給另擇遷移隙地葬費銀二兩共計銀六十二兩應請先行給示曉諭並

求詳請借領

帑銀給發各該業戶具領一體豁糧俾小民共沐

憲德生成合將查議給價緣由覆叩施行等情據此

伏查卑武邑孟永洲各圩及丹邑六沙圩內空廢民

田均由洲灘費本培築而成較之內地漕田更費工

本察訪田價每畝約在二十千文之數今據該原呈

等會同洲民和衷妥議仿照道光七年江甘二邑辦

過開挑瓦窰鋪新河詳定成例空廢民田每畝給價

銀十兩草房每間給銀二兩棺木每塚給遷移葬費

銀二兩尙屬從公並無冒濫卑職等關訪江甘二邑

詳案相符查卑武邑境轄孟永洲各圩內共應挑廢

民田一百六十四畝六分六釐六毫每畝給價銀十

兩共應給銀一千六百四十六兩六錢六分丹邑境

轄六沙圩內共應挑廢民田七十六畝九分九釐九

毫共應給銀七百六十九兩九錢九分又應遷移草

房一間應給銀二兩又應遷移墳墓三十一塚應給

遷移葬費銀六十二兩通共應給銀二千四百八十

兩六錢五分自應仰懇

憲恩俯賜一體借

帑給發各業具領併入借領挑河例津二價案內攤還

重刊孟瀆等三河全案 卷二
歸款俾免向隅而杜藉口除另文詳請豁糧并移知
丹邑一體具詳請豁外合行照造戶名畝數清冊具
文詳送伏祈

憲臺電鑒俯賜覈轉詳咨實爲公便再應繪圖形前
於詳送估挑孟瀆河工段案內業經繪呈在案至超
瓢港口雖坐落丹邑六沙界內與丹陽水利並無妨
礙合並聲明

署蘇州布政使司衍慶分巡常鎮通海道劉名載爲
勘估興挑孟瀆德勝溧港三河需用銀數循案借
帑攤徵還款詳請具

奏事竊照江蘇省劉河孟瀆兩處爲東南水利之要區
而常州府之孟瀆一河其水從武進東北大江邊引
納潮汐逶迤數十里至縣西北之奔牛鎮地方入運
與丹陽下游河水會合每遇上游徒陽運河興挑民
商船隻均由孟瀆河通江出入下達蘇杭上達鎮江
實爲徒陽河道之副而武進陽湖等縣農田之蓄洩
尤以此河爲關鍵自嘉慶二十年後久未挑濬日就

萬六千九百三十九兩零澡港河估需銀一萬三千三百八十三兩零以上三河共需工費銀二十萬六千七百餘兩遴舉董事分段領銀挑辦官爲稽察所需工費銀兩實係撙節估計毫無冒濫由該府縣議請分作十成照康熙十九年鄰縣協濟成案歸於武進陽湖無錫金匱宜興荆溪六縣攤徵內武陽二縣共攤五成錫金宜荆四縣分攤五成統限十年按照條銀徵還歸款輿情允洽出具印結詳送前來本司道覆加查勘委無浮冒未便再加刪減轉致開挑不能通暢旋濬旋淤查糶變緩漕米價已據各屬解存

司庫銀二十六萬餘兩所有挑濬孟瀆德勝澡港三河工費銀二十萬六千七百餘兩應請於內按數借給分作十年攤徵還款買米搭運仍俟工竣將用過銀兩造冊報銷其緩漕米餘銀五萬餘兩並請照奏定之案俟挑辦劉河湊借工用至此次挑河工程較大在工委員人等以及挑夫搭蓋棚廠等項一切雜費應請循照歷辦成案在於工價內扣收五分平市抵支除飭將估需銀數開造細冊另行詳請題咨外合將勘估與挑孟瀆德勝澡港三河需用銀數先行會詳伏候

憲臺鑒覈具列

奏照詳施行

道光十年十月初五日具詳

費無庸預照預報如案查於工費內吐郊五平市
大清工委員人等以文將夫替蓋附瀾等項一併
奏安之案於縣擬擬所悉計工用至北次擬由工部
撥銀三十萬兩其辦費米箱銀正萬兩兩節節照
撥入計十半費費費買米米費費費費費費費費
西工費銀二十萬六千五百兩兩兩兩兩兩兩兩
同軍銀二十六萬兩兩兩兩兩兩兩兩兩兩兩兩

